

BENGMOŠOMO BA SWANETŠE GO FIHLELELA LETŠATŠI LA MAKGAOLAKGANG LA 31 MEI 2023

Tshwane, 29 Mei 2023 – Ditirelo tša Motšhelo tša Afrika Borwa (SARS) di kgopela gore bengmešomo ka moka ba obamele boitlamo bja bona bja semolao bja mabapi le Setlha sa go Faela sa Bengmešomo sa ngwaga ka ngwaga pele ga letšatši la makgaolakang la 31 Mei go efoga dikotlo, ditswala le/goba ditefišo tša bosenyi.

Bengmešomo ba kgopelwa go romela Ditaodišo tša Mongmošomo tša Poelanyo ya Ngwaga ka ngwaga (EMP501) go SARS, gammogo le ditaodišo tša kgwedi ka kgwedi tšeo di šaletšego morago (EMP201) le dipoelanyo tša ngwagola tša ngwaga ka ngwagaš.

Ditefelo tša Lefela ka Ge o Gola (PAYE) di swanetše go lefelwa ka nako gomme tshedimošo ya IRP5/IT3(a) yeo e filwego go SARS e swanetše go tiišetšwa le go nepa. Tshedimošo ya go nepagala e bohlokwa kudu gore SARS e kgone go tlaletša saruri dipušetšo tša motšhelo wa letseno le go lekola ka othomethiki balefela motšhelo bo ba šupeditšwego gabotse. Tshedimošo ya maleba e bohlokwa kudu go balefela motšhelo bao ba swanetšego go faela dipušetšo tša bona, go ba kgontšha go dira bjalo ka tshedimošo ya go nepa ka setlha sa go faela sa batho ka noši, seo se thomago ka Julae 2023.

SARS e kgopela bengmešomo go lekola ge eba dintlha tša bona go IRP5/IT3(a) di nepagetše.

Ba fana ka tshedimošo ya leloko la boraro bjalo ka dikimi tša thušo ya kalafo le dipanka le bona ba kgopelwa go romela tshedimošo yeo e tiišeditšwego le tshedimošo ya maleba go SARS le go bareki ba bona.

Dinyakwa tše tše bohlokwa tšeo di kgontšhago SARS go fana ka tirelo go balefela motšhelo yeo e sepelago ka thelelo gape e sa raraganago go ya ka tebo y arena ya go nolofaletša balefela motšhelo go obamela boitlamo bja bona.

Bengmešomo, ditsebi tša motšhelo le balaodi ba megolo ba swanetše go taonelouta vešene ya bjale bjale go Employers e@syFile. Kanale ye ya inthanete e dumelela bengmešomo go romela di EMP501 tša bona ka elektroniki. SARS gape e hlohletša dikgwebo tše nnyane, lekanela le tše kgolo (SMMEs) go diriša platfomo ye le go šutha go tloga go mokgwatšhomo wa go lefela megolo ya manuale go ya go ya šoma ka othomethiki.

Go hwetša tshedimošo enngwe ka ga Setlha sa go Faela sa Bengmešomo, etela wepsaete ya SARS ya www.sars.gov.za.